



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-230/20

Datum: 14.07.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci roba – kancelarijskog materijala za potrebe Tužilaštva – Tužiteljstva Bosne i Hercegovine, dodjeljuje se ponuđaču **Plan Plus d.o.o. Zenica**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Zahtjevu.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-230/20 od 14.06.2020. godine. Javna nabavka je provedena putem konkurentskog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-171-3-10/20 od 19.06.2020. godine. Do krajnjeg roka za dostavu ponuda, na Protokol Tužilaštva – Tužiteljstva zaprimljene su tri uredno zapečaćene i neotvorene ponude ponuđača: Plan Plus d.o.o. Zenica sa ponuđenom cijenom od 14.768,10 KM bez PDV-a, R&S d.o.o. Sarajevo sa ponuđenom cijenom od 14.128,99 KM bez PDV-a i Aero Exclusive d.o.o. Sarajevo sa ponuđenom cijenom od 15.614,20 KM bez PDV-a.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Analizom dostavljenih ponuda i poređenjem istih sa zahtjevima navedenim u Konkurentskom zahtjevu za nabavku kancelarijskog materijala za potrebe Tužilaštva – Tužiteljstva Bosne i Hercegovine, broj: A-207/20 od 16.06.2020. godine, utvrđeno je da su sve dostavljene ponude u potpunosti prihvatljive i zadovoljavaju uslove Konkurentskog zahtjeva i Tehničke specifikacije.

Konkurentskim zahtjevom predviđena je e-aukcija, koja je i provedena dana 13.07.2020. godine. Na e-aukciji su aktivno učestvovala tri ponuđača: Aero Exclusive d.o.o. Sarajevo, R&S d.o.o. Sarajevo i Plan Plus d.o.o. Zenica. E-aukcija je uspješno završena, te je najpovoljniji ponuđač nakon završetka e-aukcije Plan Plus d.o.o. Zenica, sa konačnom cijenom u iznosu od 10.000,00 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču Plan Plus d.o.o. Zenica, čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.